

Ugovorne strane:

MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, Sarajevo, koje zastupa ministar Admir Katica (u daljem tekstu: Ugovorni organ) i

EuroplakatBH d.o.o. Sarajevo, ul. Dejzina Bikića 18A, 71 000 Sarajevo, Bosna i Hercegovina, ID broj 4200120300001, kojeg zastupa direktor Nijaz Gracić (u daljem tekstu: Dobavljač)

zaključile su:

UGOVOR

o nabavci usluga najma lokacija za promociju i rezervacija vremena korištenja istih

PREDMET UGOVORA

Član 1.

Predmet ugovora je nabavka usluga najma lokacija za promociju i rezervacija vremena korištenja istih (15 lokacija, 12 tramvajskih/autobuskih stajališta i 3 raskrsnice), a u svrhu realizacije „Kampanje za prevenciju i suzbijanje zloupotrebe narkotika u Kantonu Sarajevo“ za potrebe Ministarstva unutrašnjih poslova Kantona Sarajevo.

Ugovor se zaključuje prema Ponudama Dobavljača, a na osnovu Odluke o pokretanju postupka nabavke, broj 04-1-11-4-59650/24 od 26.11.2024. godine kojom je određeno provođenje postupka dodjele ugovora putem direktnog sporazuma.

Ponude Dobavljača broj 3751/24 i 3752/24 od 20.11.2024. godine čine sastavni dio ugovora.

VRIJEDNOST UGOVORA

Član 2.

Vrijednost nabavke iz člana 1. ovog Ugovora iznosi 5.716,37 KM bez PDV-a (pethiljadasedamstotinašesnaest i 37/100 KM).

Navedena cijna uključuje i izradu PVC naljepnica (bus Shelter za tramvajska/autobuska stajališta i komunalnu naknadu za "LED frajere" na raskrsnicama za dane trajanja Kampanje.

NAČIN PLAĆANJA

Član 3.

Plaćanje se vrši u roku do 5 dana od dana obostranog potpisivanja ugovora.

ROK IZVRŠENJA USLUGE

Član 4.

Rok trajanja ugovorene usluge je 21 dan kada su u pitanju tramvajska/autobuska stajališta, a 14 dana kada su u pitanju "LED frajeri" na 3 raskrsnice od dana početka "Kampanje za prevenciju i suzbijanje zloupotrebe narkotika u Kantonu Sarajevo".

PRELAZNE I ZAVRŠNE ODREDBE

Član 5.

Ukoliko poslije zauključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 6.

Ugovorne strane su saglasne da će sve eventualno nastale sporove pri realizaciji ovog ugovora, rješavati sporazumno, a u slučaju da se ne riješe sporazumno, utvrđuje se nadležnost suda u Sarajevu.

Član 7.

Ugovor stupa na snagu danom potpisivanja ovlaštenih predstavnika i traje do obostrane realizacije.

Član 8.

Ovaj ugovor je sačinjen u četiri istovjetna primjerka, od kojih po dva zadržava svaka ugovorna strana.

DOBAVLJAČ
Eurolakati BH d.o.o. Sarajevo

direktor, Ilijaz Gracić
Broj: D-69/11/24
Dana: 27-11-2024

UGOVORNI ORGAN
Ministarstvo unutrašnjih poslova
Kantona Sarajevo

Ministar, Admir Katica
Broj: 04-1-11-4-59650-1/24
Dana: 26.11.2024. godine